

Daily Current Affairs Bangla: 12 মে 2026 এর গুরুত্বপূর্ণ কারেন্ট অ্যাফেয়ার্স

আজকের প্রতিবেদনে আমরা ১২ মে ২০২৬-এর গুরুত্বপূর্ণ জাতীয় ও আন্তর্জাতিক খবরাখবর নিয়ে আলোচনা করব। প্রতিযোগিতামূলক পরীক্ষার প্রস্তুতি যারা নিচ্ছেন, তাদের জন্য এই তথ্যগুলো বেশ কাজে আসবে।

রাজ্য সংবাদ

01 তামিলনাড়ুর মুখ্যমন্ত্রী হিসেবে শপথ নিলেন থলপতি বিজয়

তামিলনাড়ুর রাজনীতিতে নতুন চমক! জনপ্রিয় দক্ষিণ ভারতীয় অভিনেতা যোসেফ বিজয়, যাকে আমরা থলপতি বিজয় হিসেবেই চিনি, তিনি রাজ্যের নতুন মুখ্যমন্ত্রী হিসেবে শপথ নিয়েছেন। তাঁর রাজনৈতিক দল তামিলগা বৈত্রী কজঘম (TVK) গত বিধানসভা নির্বাচনে দারুণ সাফল্য পেয়েছে।

দলটির নির্বাচনী প্রতীক ছিল 'সিটি' বা বাঁশি। ১৯৬৭ সালের পর এই প্রথম তামিলনাড়ুতে কোনো অ-দ্রাবিড়ীয় দল ক্ষমতায় এল। ২৩৪টি আসনের মধ্যে ১০৮টিতে জিতে টিভিকে (TVK) কংগ্রেস ও অন্যান্য আঞ্চলিক দলের সমর্থনে সরকার গঠন করেছে। এদিকে বিজয় দুটি কেন্দ্র—পেরামবাদুর ও তিরুচিরাপল্লী—থেকে লড়াই করেছিলেন। নিয়ম অনুযায়ী তিনি তিরুচিরাপল্লী আসনটি ছেড়ে দিয়েছেন, এখন থেকে পেরামবাদুরের বিধায়ক হিসেবেই দায়িত্ব সামলাবেন।

☑ সম্পর্কিত স্ট্যাটিক জিকে

- তামিলনাড়ুর রাজধানী চেন্নাই।
- বর্তমান রাজ্যপাল হলেন আর. এন. রবি।
- রাজ্যের প্রধান উৎসব পোসল।

জাতীয় সংবাদ

02 এসসি/এসটি আইনের অধীনে আগাম জামিন নিয়ে সুপ্রিম কোর্টের বার্তা

এসসি/এসটি (অত্যাচার প্রতিরোধ) আইনের ১৮ নম্বর ধারার অধীনে আগাম জামিন বা অ্যান্টিসিপিটরি বেইল নিয়ে একটি গুরুত্বপূর্ণ ব্যাখ্যা দিয়েছে সুপ্রিম কোর্ট। আদালত পরিষ্কার জানিয়েছে, এই আইনের ক্ষেত্রে আগাম জামিনের ওপর

নিষেধাজ্ঞা স্বয়ংক্রিয়ভাবে কার্যকর হবে না।

বিচারপতিদের মতে, এফআইআর-এর অভিযোগগুলো আগে খুঁটিয়ে দেখতে হবে। অভিযোগ যদি প্রাথমিকভাবে ভিত্তিহীন বলে মনে হয়, তবে অভিযুক্তকে সিআরপিসি-র ৪৩৮ নম্বর ধারার আওতায় আগাম জামিন দেওয়া যেতে পারে।

☑ সম্পর্কিত স্ট্যাটিক জিকে

- এসসি/এসটি (অত্যাচার প্রতিরোধ) আইন ১৯৮৯ সালে পাস হয়েছিল।
- ভারতীয় সংবিধানের ১৭ নম্বর অনুচ্ছেদে অস্পৃশ্যতা দূরীকরণের কথা বলা হয়েছে।

03 চতুর্থ ভারত-আফ্রিকা ফোরাম শীর্ষ সম্মেলন ২০২৬

আগামী ৩১ মে ২০২৬ তারিখে নতুন দিল্লিতে চতুর্থ ভারত-আফ্রিকা ফোরাম শীর্ষ সম্মেলন বসতে চলেছে। আফ্রিকান ইউনিয়ন কমিশনের সঙ্গে যৌথ উদ্যোগে এই সম্মেলনের আয়োজন করা হচ্ছে।

এর মূল লক্ষ্য হলো বাণিজ্য, প্রতিরক্ষা, জ্বালানি ও স্বাস্থ্য খাতে ভারতের সঙ্গে ৫৫টি আফ্রিকান দেশের সম্পর্ক আরও পোক্ত করা। বর্তমানে ভারত ও আফ্রিকার মধ্যে বার্ষিক বাণিজ্যের পরিমাণ প্রায় ৮৫ বিলিয়ন মার্কিন ডলার।

☑ সম্পর্কিত স্ট্যাটিক জিকে

- আফ্রিকান ইউনিয়নের সদর দপ্তর ইথিওপিয়ার আদিস আবাবায় অবস্থিত।
- আফ্রিকান ইউনিয়ন এখন ৫৫টি সদস্য দেশ নিয়ে গঠিত।

প্রতিরক্ষা সংবাদ

04 ডিআরডিও (DRDO)-র 'তারা' (TARA) সিস্টেমের সফল পরীক্ষা

দেশীয় গ্লাইড ওয়েপন সিস্টেম 'তারা' (TARA)-র সফল পরীক্ষা চালিয়েছে ডিআরডিও ও ভারতীয় বায়ুসেনা। ওড়িশার চাঁদিপুর থেকে এই পরীক্ষা চালানো হয়।

এই সিস্টেমের মূল কাজ হলো সাধারণ বোমাকে গাইডেড অস্ত্র রূপান্তর করা। জিপিএস নেভিগেশনের সাহায্যে এটি নিখুঁতভাবে লক্ষ্যভেদে সক্ষম। এর স্ট্রাইক রেঞ্জ ৮০ কিলোমিটারের বেশি এবং গতিবেগ ঘণ্টায় ৬৫০ কিলোমিটার।

☑ সম্পর্কিত স্ট্যাটিক জিকে

- ডিআরডিও (DRDO) ১৯৫৮ সালে প্রতিষ্ঠিত হয়।
- এর সদর দপ্তর নতুন দিল্লিতে।

05 কমিশন করা হলো আইসিজিএস (ICGS) 'অচল'

উপকূলরক্ষী বাহিনীর সামুদ্রিক নজরদারি আরও বাড়াতে 'অচল' (Achal) জাহাজটিকে কমিশন করা হয়েছে। এটি 'অদম্য' (Adamya) ক্লাসের একটি ফাস্ট পেট্রোল ভেসেল।

গোয়া শিপইয়ার্ড লিমিটেডের তৈরি এই জাহাজটি ৫১ মিটার লম্বা। এর সর্বোচ্চ গতিবেগ ২৭ নটস, যা উপকূলীয় নিরাপত্তা এবং উদ্ধার অভিযানে বড় ভূমিকা রাখবে।

☑ সম্পর্কিত স্ট্যাটিক জিকে

- ভারতীয় উপকূলরক্ষী বাহিনী (ICG) ১৯৭৭ সালে অন্তর্বর্তীকালীন এবং ১৯৭৮ সালে আইনগতভাবে প্রতিষ্ঠিত হয়।
- বর্তমান ডিরেক্টর জেনারেল হলেন রাকেশ পাল।

বিজ্ঞান ও প্রযুক্তি

06 জাতীয় প্রযুক্তি দিবস ২০২৬

প্রতি বছর ১১ মে ভারতে জাতীয় প্রযুক্তি দিবস পালন করা হয়। ২০২৬ সালের মূল বিষয়বস্তু বা থিম হলো "রিম্পান্সিবল ইনোভেশন ফর ইনক্লুসিভ গ্রোথ"।

১৯৯৮ সালের এই দিনে রাজস্থানের পোখরানে 'অপারেশন শক্তি'র অধীনে পারমাণবিক পরীক্ষা সফল হয়েছিল, সেই সাফল্যকে ঘিরেই দিনটি পালিত হয়।

☑ সম্পর্কিত স্ট্যাটিক জিকে

- ভারতের প্রথম পারমাণবিক পরীক্ষা 'স্মাইলিং বুদ্ধ' হয়েছিল ১৮ মে ১৯৭৪ সালে।
- ডঃ এ.পি.জে. আব্দুল কালামকে ভারতের 'মিসাইল ম্যান' বলা হয়।

07 বাড়ছে গ্লোবাল ক্যাপাবিলিটি সেন্টার (GCC)

ন্যাশকম-জিনোভ (NASSCOM-Zinnov) রিপোর্ট অনুযায়ী, ২০২৬ অর্থবর্ষে ভারতে গ্লোবাল ক্যাপাবিলিটি সেন্টারের সংখ্যা দাঁড়িয়েছে ২,১১৭টি। এই কেন্দ্রগুলো মূলত বিদেশি বহুজাতিক কোম্পানিগুলোকে আইটি পরিষেবা ও নতুন উদ্ভাবনে

সাহায্য করে।

✓ সম্পর্কিত স্ট্যাটিক জিকে

- ন্যাশকম (NASSCOM) ১৯৮৮ সালে প্রতিষ্ঠিত একটি অলাভজনক সংস্থা।
- এর সদর দপ্তর উত্তরপ্রদেশের নয়ডায়।

দিবস ও সম্মেলন

08 আন্তর্জাতিক নার্স দিবস ২০২৬

নার্সদের অক্লান্ত পরিশ্রম ও অবদানকে সম্মান জানাতে ১২ মে পালিত হচ্ছে আন্তর্জাতিক নার্স দিবস। এ বছরের থিম —“আওয়ার নার্সেস, আওয়ার ফিউচার: এমপাওয়ার্ড নার্সেস সেভ লাইভস”।

✓ সম্পর্কিত স্ট্যাটিক জিকে

- ফ্লোরেন্স নাইটিঙ্গেলের জন্মদিন উপলক্ষে এই দিবস পালিত হয়।
- তাঁকে ‘লেডি উইথ দ্য ল্যাম্প’ বলা হয়।

09 প্রথম আন্তর্জাতিক অফথালমোলজি রিসার্চ কনফারেন্স

গত ৯ ও ১০ মে নতুন দিল্লিতে প্রথমবারের মতো আন্তর্জাতিক অফথালমোলজি রিসার্চ কনফারেন্স অনুষ্ঠিত হয়েছে। আর্মি হাসপাতাল ও অল ইন্ডিয়া অফথালমোলজিক্যাল সোসাইটি যৌথভাবে এর আয়োজন করেছিল।

✓ সম্পর্কিত স্ট্যাটিক জিকে

- মানুষের চোখের লেন্স হলো একটি উত্তল লেন্স।
- চোখের রেটিনায় প্রতিবিম্ব গঠিত হয়।

খেলাধুলা ও পুরস্কার

10 এশিয়ান ওয়েটলিফ্টিং চ্যাম্পিয়নশিপ ২০২৬

দীর্ঘ ৪৪ বছর পর ভারত আয়োজন করছে এশিয়ান ওয়েটলিফ্টিং চ্যাম্পিয়নশিপ। গুজরাটের গান্ধীনগরে ১০ থেকে ১৭ মে পর্যন্ত চলবে এই প্রতিযোগিতা। এতে ২৮টি দেশের প্রায় ১৮০ জন অ্যাথলিট অংশ নিচ্ছেন।

☑ সম্পর্কিত স্ট্যাটিক জিকে

- কর্ণম মালেশ্বরী অলিম্পিকে পদকজয়ী প্রথম ভারতীয় মহিলা ভারোত্তোলক।
- ভারতীয় ভারোত্তোলন ফেডারেশনের সদর দপ্তর নতুন দিল্লিতে।

11 জাতীয় পঞ্চায়েত পুরস্কার ২০২৫

পঞ্চায়েতি রাজ মন্ত্রক সম্প্রতি ২০২৫ সালের জাতীয় পঞ্চায়েত পুরস্কার ঘোষণা করেছে। সেরা গ্রাম পঞ্চায়েত নির্বাচিত হয়েছে অসমের 'নিউ নাপাম'। এছাড়া ত্রিপুরার 'সিপাহিজালা' সেরা জেলা পঞ্চায়েত এবং কেরালার 'হরিপাড়' সেরা ব্লক পঞ্চায়েত হিসেবে পুরস্কার পেয়েছে।

☑ সম্পর্কিত স্ট্যাটিক জিকে

- প্রতি বছর ২৪ এপ্রিল জাতীয় পঞ্চায়েতি রাজ দিবস পালিত হয়।
- বলবন্ত রাই মেহতা কমিটিকে ভারতে পঞ্চায়েতি রাজ ব্যবস্থার জনক বলা হয়।

এই গুরুত্বপূর্ণ খবরগুলো নিয়মিত অনুশীলন করলে যেকোনো সরকারি পরীক্ষায় ভালো ফল করা সহজ হবে। নিজেদের প্রস্তুতি যাচাই করতে চাইলে আমাদের বিশেষ কুইজে অংশগ্রহণ করতে পারেন। কারেন্ট অ্যাফেয়ার্সের আপডেট পেতে আমাদের সাথেই থাকুন।

[☐ Take the Interactive Quiz](#)